

## **Rundi - Impwemu Intambara Ivyanditswe - SW Intro Scriptures**

**Luka 17:5 Kandi za ntumwa zibwira Umwami Yesu ziti: "Ni utwongere ukwizera."**

**AbaRoma 10:17 Nuko ukwemera kuva ku kwumva, n'ukwumva kuzanwa n'ijambo rya Kristo.**

**Luka 11:1 Umusi umwe Yesu yari ahantu ariko arasenga. Ahejeje, umwe mu bigishwa biwe aramubwira ati: "Mugenzi, twigishe gusenga, nk'uko Yohana yigishije abigishwa biwe."**

**1 Timoteyo Rya Mbere 2:1-4 Irya mbere y'ibindi vyose, ndabahanura kwingingira abantu bose, kubasengera, kubasabira no kubashimira Imana; 2 kandi canecane abami n'abashizwe hejuru bose, kugira ngo twame mu mahoro dutekereje, twubaha Imana turi inyankamugayo rwose. 3 Ivyo ni vyo vyiza vyemerwa mu maso y'lmana Umukiza wacu, 4 igomba ko abantu bose bakizwa bagashika ku kumenya ivyo ukuri.**

**Luka 22:31 Aravuga ati: "Simoni, Simoni, raba Satani yabasavye ngo abagosore nk'ingano;**

**Zakariya 3:1,2 - Yuda 1:9 Ariko na Mikayeli, umumarayika mukuru, hamwe yatongana na wa Mugarariji, aharira na we bapfa umuvyimba wa Mose, ntiyubahutse kumuhinyura ngo amucokore, ariko yamubwiye ati: "Uhoraho aguhane."**

**AbanyEfeso 6:12 Kuko abo tunigana atari abo inyama n'amaraso, ariko tunigana n'abakuru n'abafise ububasha n'abaganza iyi si y'umwiza, n'impwemu mbi z'ahantu ho mw'ijuru.**

**AbanyEfeso 6:10,11 Ibisigaye, muremesherezwe mu Mwami wacu, no mu bushobozi bwiwe bwinshi. 11 Mwambare ibirwanisho vyose vy'lmana, kugira ngo mushobore guhagarara mudatsinzwe n'ubugunge bwa wa mugarariji.**

**AbanyEfeso 6:13-17 Kubwo ivyo mwakire ibirwanisho vyose vy'lmana, kugira ngo mushobore kudatsindwa ku musi mubi, kandi ni mwaheza vyose mugahagarara mushikamye. 14 Nuko rero mushikame, mukenyeje ukuri, mwambaye ukugororoka nk'inkinzo y'icuma ikingira igikiriza. 15 Mwambaye ibirato ari ivyo mwete w'ubutumwa bwiza bw'amahoro. 16 Kandi hamwe n'ivyo vyose mwakire inkinzo y'ukwizera, ni yo muzoshoboza kuzimisha imyampi ya wa Mubi yose yaka umuriro. 17 Mwakire inkofero y'agakiza, bo n'inkota ya Mpwemu, ni yo jambo ry'lmana.**

**AbaHeburayo 4:12 Kuko ijambo ry'lmana ari rizima, rifise ubushobozi, rifise ubugi buruta ubwo inkota zose, riknjira n'aho ritanya ubugingo**

**n'impwemu, rigatanya ingingo n'umusokoro, risuzuma ivyo umutima  
wiyumbira, ukagabira.**

**Luka 4:8 Yesu aramwishura ati: "Vyanditswe ngo Usenge Uhoraho, Imana  
yawe, abe ari yo usaba yonyene."**

**AbanyEfeso 6:18 Musengere muri Mpwemu ibihe vyose, mu buryo bwose  
bwo gusenga no kwinginga, kandi ivyo mubibere maso, mukobeje rwose,  
musengera abera bose.**

**1 Samweli Rya Mbere 17:45-47 - Dawidi & Goliath**

**Luka 10:17-20 Nuko bamwe mirongo irindwi bagarukana umunezero bat:**

**"Mugenzi, abadayimoni na bo baratwumvira mw'izina ryawe." 18**

**Arababwira ati: "Nabonye Satani, avuye mw'ijuru, akoroka nk'umuravyo."**

**19 Ehe ndabahaye ububasha bwo gukandagira inzoka na sikorupiyo,  
n'ubwo kunesha ubushobozi bwa wa Mwansi bwose, kandi nta kintu  
kizogira ico kibagira na gatoya. 20 Arikoo ntumunezerezwe n'uko izo  
mpwemu zibumvira, yamara munezerezwe n'uko amazina yanyu  
yanditswe mw'ijuru.**

**2 Ab'i Korinto Rya Kabiri 10:3-5 Naho turi n'umubiri ntiturwana mu buryo  
bw'umubiri, 4 kuko ibirwanisho vy'intambara yacu atari ivyo mu buryo  
bw'umubiri, arikoo imbere y'Imana bifise ubushobozi bwo gushingura  
akarimbi, 5 dushingura impari n'igishizwe hejuru cose, kihashiriwe  
kurwanya ukumenya Imana, dufata mpiri iviyumvirwa mu mitima vyose,  
ngo tubigomorere Kristo.**

**Matayo 16:19 Nzoguha impfunguzo z'ubwami bwo mw'ijuru; kandi ico  
uzoboha mw'isi kizoba kiboshwe mw'ijuru; n'ico uzobohora mw'isi kizoba  
kibohowe mw'ijuru. "**

**2 Timoteyo Rya Kabiri 1:7 Kuko Imana itaduhaye umutima w'isoni  
n'ubwoba; arikoo yaduhaye uwo ubushobozi, urukundo n'ukwirinda. "**

**Matayo 12:28,29 Arikoo Mpwemu w'Imana ni yaba ari we anshoboza  
kwirukana abadayimoni, noneho ubwami bw' Imana burabashikiriye. 29  
None umuntu yoshobora ate kwinjira mu nzu y'umuntu w'inkomezi  
kumusahura ibintu atabanje kuboha wa munyenkomezi? Maze akabona  
kumusahura ivyo mu nzu yiwe.**

**AbanyEfeso 1:13 Muri we namwe mumaze kwumva ijambo ry'ukuri, ni ryo  
butumwa bwiza bw'agakiza kanyu, mumaze no kumwizera, ni ho  
mwashiriweko ikimenyetso, ni co Mpwemu Yera yasezeranywe.**

**Igitabo C' Ivyakozwe N'Intumwa 19:6 Pahulo amaze kubarambikako  
ibiganza, Mpwemu Yera abazako, bavuga izindi ndimi, bavugishwa  
n'Imana.**

**Mariko 16:15-18 Arababarira ati:" "Mugende muje mu bihugu vyose,  
mubwire abaremwe bose ubutumwa bwiza. 16 Uwizera akabatizwa**

**azokizwa, ariko uwutizera azotsindwa n'urubanza. 17 Kandi ibimenyetso bizokwama biboneka ku bizer ni ibi: bazosenda abadayimoni mw'izina ryanje; bazovuga indimi nshasha; 18 bazofata inzoka; ni banywa ikintu cica, nta co kizobagira na gatoya; bazorambika ibiganza ku barwaye, bakire."**

**1 Yohana Rya Mbere 1:9 Ni twatura ivyaha vyacu, ni yo yo kwizigirwa kandi igororoka, ivyo ni vyo bituma iduharira ivyaha vyacu, ikatwoza ukugabitanya kwose.**

**Zaburi 109:17 - Yakobo 3:10 Mu kanwa kamwe havamwo umuhezagiro n'umuvumo. Bavukanyi, ivyo ntibikwiye kumera bityo.**

**Abacamanza 16:16 - 2 Petero Rya Kabiri 2:7,8 ikarokora Loti, umugororotsi, yababazwa cane n'ingeso z'isoni nke z'abatirinda 8 kuko uwo mugororotsi, aho yaba muri bo, yagira akabonge uko bukeye mu mutima wiwe ugororoka kubwo ibikorwa vyabo vy'ubugarariji yabona, akumva;**

**AbanyEfeso 4:26 Ni mwaraka ntibibakoreshe icaha. Izuba ntirirenge mukiratse,**

**AbaRoma 14:12 Nuko rero, umuntu wese muri twebwe azobazwa n'Imana ivyo yakoze.**

**1 Yohana Rya Mbere 2:23 Umuntu wese ahakana Umwana, na Data wa twese ntamufise. Uwemera Umwana afise na Data wa twese.**

**Yohana 14:6 Yesu aramubwira ati: "Ni jewe nzira, ukuri n'ubugingo; nta wushika kuri Data ntamujanye.**

**Matayo 11:28-30 Ni muze kuri jewe mwese abananiwe n'abaremerewe, ndabaruuhura; 29 mwikoreze ingata yanje, munyigireko; kuko ndi umugwaneza, niyoroheje mu mutima; namwe muzoronka uburuuhukiro bw'imitima yanyu. 30 Kuko ingata yanje itababaza, n'umutwaro wanje uhwahutse.**

**2 Ab'i Korinto Rya Kabiri 6:2 Kuko yavuze ati: "Mu gihe co kwemererwamwo ndakwumvise, No ku musi wo gukirizwako ndagutabaye. Ehe ubu ni igihe co kwemererwamwo, ehe ubu ni umusi wo gukirizwako."**

**AbaRoma 10:13 kuko, Umuntu wese azokwambaza izina ry'Uhoraho azokizwa.**

**Exodus 20:5 - sin cursed to 3 & 4 generations**